

**Broj: 04-01-560-03/10**  
**Mostar, 16.7. 2010. godine**

Na osnovu člana 29. i člana 41. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), kao i člana 31. stava (2) i člana 37. stava(4) Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 83. i člana 91. stava (2) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 23. Opštih uslova za isporuku električne energije („Službene novine Federacije BiH“ broj 35/08, 81/08, 32/10 i 37/10), a postupajući po Žalbi/prigovoru na Elektroenergetsku saglasnost broj 202-5336/09 od 03.11.2009. godine, koja je direktno dostavljena FERK-u 22.04.2010. godine pod brojem 04-01-560/10, podnosioca žalbe Šerifa Busuladžića iz Ilidže, Regulatorna komisija za električnu energiju u Federaciji Bosne i Hercegovine – FERK je, na IX redovnoj sjednici održanoj u Mostaru dana 16.07.2010. godine, donijela

## **R J E Š E N J E**

1. Odbija se žalba/prigovor Šerifa Busuladžića iz Ilidže podnesena protiv Elektroenergetske saglasnosti broj 202-5336/09 od 03.11.2009. godine koju je izdala JP Elektroprivreda BiH d.d. - Sarajevo, Podružnica „Elektrodistribucija“ Sarajevo, kao neosnovana.
2. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

## **O b r a z l o ž e n j e**

U skladu sa članom 41. Zakona o električnoj energiji, proizvođač, odnosno kvalifikovani kupac električne energije kojem je odbijen pristup mreži ili je nezadovoljan uslovima za pristup, može podnijeti žalbu/prigovor FERK-u, što je propisano i članom 83. Pravilnika o javnim raspravama i rješavanju zahtjeva i žalbi FERK-a, kao i članom 23. Opštih uslova za isporuku električne energije. Članom 91. stavom (2) Pravilnika o javnim raspravama i rješavanju zahtjeva i žalbi FERK-a propisano je da se na sva pitanja koja se odnose na postupke pred FERK-om, a koja nisu propisana ovim pravilnikom ili posebnim pravilima i propisima FERK-a, primjenjuju na odgovarajući način pravila odnosnih zakona ako to priroda stvari dozvoljava i kada je to u skladu sa nadležnostima i ovlaštenjima FERK-a.

Na osnovu navedenog, podnosilac žalbe Šerif Busuladžić iz Ilidže je 22.04.2010. godine direktno FERK-u uputio žalbu/prigovor protiv Elektroenergetske saglasnosti broj 202-

5336/09 od 03.11.2009. godine, primljenu u FERK pod brojem 04-01-560/10. Uz navedenu žalbu/prigovor podnosilac žalbe je dostavio kopije: fakture-uplate za obradu zahtjeva od 22.09.2009. godine, računa za električnu energiju za obračunski period 12.02.2010. - 13.03.2010. godine, povratnice - dokaza o neuspjeloj dostavi od 03.02.2010. godine, podneska za promjenu vrste priključka od 22.09.2009. godine, Dopisa Podružnice „Elektro distribucija“ Sarajevo broj:03-4-34221-15373/09 od 29.01.2010. godine, Elektroenergetske saglasnosti broj 202-5336/09 od 03.11.2009. godine.

Navedenom žalbom/prigovorom se traži povćanje priključne snage odnosno zamjena postojećeg monofaznog brojila za trofazno brojilo koje je podnosilac žalbe prije rata posjedovao. Takođe, žalba/prigovor se odnosi i na iznos prvog dijela jednokratne naknade za prikljućenje/povećanje priključne snage, koji je određen Elektroenergetskom saglasnosti broj 202-5336/09 od 03.11.2009. godine.

U povodu primljene žalbe/prigovora, FERK je 06.05.2010. godine pod brojem 04-01-560-01/09 uputio dopis-Žalba/prigovor Šerifa Busuladžića na Elektroenergetsku saglasnost broj 202-5336/09 od 03.11.2009. godine JP Elektroprivredi BiH d.d.- Sarajevo, Podružnici „Elektro distribucija“ Sarajevo Navedenim dopisom je zatraženo od iste da u skladu sa ćlanom 91. stavom (2) Pravilnika o javnim raspravama i rješavanju zahtjeva i žalbi FERK-a po predmetnoj žalbi/prigovoru postupi u smislu ispitivanja da li je ista dopuštena, blagovremena i izjavljena od ovlaštenog lica, kao i da ocijeni opravdanost iste, a u skladu sa pozitivnim zakonskim propisima, te sve bez odlaganja, a najkasnije u roku od osam dana od dana prijema tog dopisa. Navedeno javno preduzeće je upućeno i da ukoliko žalbu/prigovor ne uvaži kao opravdanu, da je u istom roku dužno žalbu/prigovor sa cjelokupnim spisom predmeta dostaviti FERK-u na dalji postupak.

U odnosu na navedeno, FERK je 20.05.2010. godine pod brojem 04-01-560-02/10 primio Dopis - dostava informacija JP Elektroprivrede BiH d.d.- Sarajevo, Podružnice „Elektro distribucija“ Sarajevo u kojem je ista navela da je žalba/prigovor dopuštena, blagovremena i podnesena od ovlaštenog lica. Dalje je navela da je predmetnu žalbu/prigovor ocijenila neosnovanom iz razloga jer se sanacija priključaka prijeratnih krajnjih kupaca u kategoriji “domaćinstvo” vrši u skladu sa Memorandumom o razumjevanju i saradnji na elektrifikaciji lokacija/objekata realizovanog povratka broj: 01-50-2141-5/08 od 03.06.2008. godine. Podružnica „Elektro distribucija“ Sarajevo u dopisu-dostava informacija je navela i da prema ćlanu 9. navedenog Memoranduma, te ćlanu 3., taćka 3.2 Sporazuma o ponovnom prikljućenju stambenih objekata povratnika na elektrodistributivnu mrežu u BiH broj:02-17829/05 koji je saćinjen 13.12.2005. godine, pod pokroviteljstvom OHR-a, OSCE-a i UNHCR-a, obaveza ”Elektro distribucije” Sarajevo je osigurati monofazno, jednotarifno brojilo u slućaju individualnih povrataka u stambene jedinice gdje nedostaju samo brojila, te izvršiti sanaciju monofaznih priključaka elektrićne energije sa ili bez jednog stubnog mjesta. Također je navela da je Uputstvom o primjeni akata JP Elektroprivrede BiH d.d.- Sarajevo donesenih na osnovu Općtih uslova za isporuku elektrićne energije, u ćlan 5. stav (1) propisano da prijeratni krajnji kupci u kategoriji potrošnje “domaćinstvo”, nosioci prava priključka, na koje se odnosi Memorandum o razumjevanju i saradnji na elektrifikaciji lokacija/objekata realizovanog povratka broj: 01-50-2141-5/08 od 03.06.2008. godine, a koji do 30.06.2009. godine nisu prikljućeni na

distributivnu mrežu će biti priključeni po predmetnom Memorandumu, te da ovi krajnji kupci ostvaruju pravo na niskonaponski monofazni priključak sa priključnom snagom od 6,7 kW.

Uz popratni dopis - dostava informacija JP Elektroprivreda BiH d.d.- Sarajevo, Podružnica „Elektro distribucija“ Sarajevo dostavila je osim žalbe/prigovora i kopije:

- Zahtjeva za izmjenu elektroenergetske saglasnosti za krajnjeg kupca od 22.09.2009. godine
- Podneska za promjenu vrste priključka od 22.09.2009. godine,
- Zapisnika o pregledu lokacije od 08.10.2009. godine,
- Obračuna broj: 202-5336/09 od 17.10.2009. godine
- Elektroenergetske saglasnosti broj 202-5336/09 od 3.11.2009. godine
- Dopisa Podružnice „Elektro distribucija“ Sarajevo broj: 03-4-34221-15373/09 od 29.01.2010. godine,
- Obavještenja da je Šerif Busuladžić uveden u evidenciju ličnih karata MUP-a KS od 21.06.2007. godine
- Punomoć za Ekrema Busuladžića, ovjerena u Službi za opću upravu Kantona Sarajevo- Općina Ilidža

Na osnovu naprijed navedenog, FERK je utvrdio sljedeće:

U skladu sa važećim zakonskim propisima organ prvog stepena ispituje da li je žalba dopuštena, pravovremena i izjavljena od ovlaštenog lica. JP Elektroprivreda BiH d.d. – Sarajevo, Podružnica „Elektro distribucija“ Sarajevo je u dopisu primljenom u FERK pod brojem 04-01-560-02/10 dana 20.05.2010. godine, navela da je žalba/prigovor dopuštena, pravovremena i izjavljena od ovlaštenog lica, te je FERK istu uzeo u razmatranje.

Međutim, prilikom provođenja postupka izdavanja elektroenergetske saglasnosti po Zahtjevu za izdavanje saglasnosti, koji je podnosilac žalbe podnio 22.09.2009. godine, JP Elektroprivreda BiH d.d.-Sarajevo, Podružnica „Elektro distribucija“ Sarajevo nije vodila računa o pravilima postupka. U tom smislu nije postupila u skladu sa članom 22. stavom (2) Opštih uslova za isporuku električne energije („Službene novine Federacije BiH“ broj 35/08, 81/08 i 32/10 i 37/10), kojim je propisano da je distributer dužan odlučiti o zahtjevu što prije, ali ne duže od 30 dana računajući od dana uredno podnesenog zahtjeva. Propust je ovog javnog preduzeća i to što nije podnosioca žalbe, kao podnosioca zahtjeva za izdavanje saglasnosti, u roku od tri dana od dana isteka roka za rješavanje po njegovom zahtjevu, pismeno obavijestio o razlozima zbog kojih nije odlučio o njegovom zahtjevu i o tome koje će radnje preduzeti radi odlučivanja o zahtjevu, te uputio podnosioca žalbe koja pravna sredstva može koristiti, te to obavještenje nije istovremeno dostavio i odgovorim licima u javnom preduzeću radi poduzimanja mjera da se odluči o zahtjevu bez odlaganja, što mu je bila obaveza u skladu sa važećim zakonskim propisima.

Iako JP Elektroprivreda BiH d.d.-Sarajevo, Podružnica „Elektrodistribucija“ Sarajevo nije izdala elektroenergetsku saglasnost podnosiocu žalbe po njegovom zahtjevu za izdavanje iste podnesenom 22.09.2009. godine u propisanom roku od 30 dana, te je propustila podnosioca žalbe obavijestiti o razlozima zbog kojih nije odlučila o njegovom zahtjevu u propisanom roku, a na način kako je naprijed opisano, FERK je zaključio da naprijed opisani proceduralni propusti ipak nisu bili od uticaja na rješenje stvari.

Naime uložena žalba/prigovor odnosi se na prvi dio iznosa jednokratne naknade za priključenje/povećanje priključne snage, koji je utvrđen izdatom Elektroenergetskom saglasnosti broj 202-5336/09 od 03.11.2009 godine, a u skladu sa Opštim uslovima za isporuku električne energije („Službene novine Federacije BiH“ broj 35/08, 81/08, 32/10 i 37/10) i Pravilniku o priključcima JP Elektroprivrede BiH d.d.-Sarajevo. Da je JP Elektroprivreda BiH d.d.-Sarajevo, Podružnica „Elektrodistribucija“ Tuzla postupila u skladu sa članom 22. stavom (2) Opštih uslova za isporuku električne energije, odnosno da je o predmetnom Zahtjevu za izmjenu elektroenergetske saglasnosti za krajnjeg kupca od 22.09.2009. godine odlučila u roku od 30 dana, opet bi primjenila kao materijalne propise one propise koji su već primjenjeni prilikom izdavanja Elektroenergetske saglasnosti broj 202-5336/09 od 03.11.2009 godine, a to su Opšti uslovi za isporuku električne energije („Službene novine Federacije BiH“ broj 35/08, 81/08 i 32/10 i 37/10) i Pravilnik o priključcima JP Elektroprivrede BiH d.d.- Sarajevo.. Propust JP Elektroprivrede BiH d.d.- Sarajevo, Podružnice „Elektrodistribucija“ Tuzla da pismeno obavijesti podnosioca žalbe, kao podnosioca zahtjeva za izdavanje saglasnosti, o razlozima zbog kojih nije odlučila o njegovom zahtjevu također nije bio od uticaja na rješenje stvari. Naime, da je javno preduzeće podnosioca žalbe na vrijeme obavijestilo i uputilo koja pravna sredstva može koristiti, podnosilac žalbe koristeći ta pravna sredstva bi uticao na ubrzanje postupka izdavanja elektroenergetske saglasnosti, ali ne i na primjenu materijalnih propisa.

Nesporno je da je podnosilac žalbe povratnik koji je priključen na distributivnu mrežu preko monofaznog brojila priključne snage od 6,7 kW.

U žalbi/prigovoru podnosilac zahtjeva povećanje priključne snage odnosno vraćanje trofaznog brojila priključne snage od 20 kW, kakvo je imao prije rata. U vezi sa navedenim, članom 8. stav (1) Memoranduma o razumjevanju i saradnji na elektrifikaciji lokacija /objekata realizovanog povratka broj 01-50-2141-5/08 od 03.06.2008. godine, potpisanog između Elektroprivrednih društava, nadležnih ministarstava i Fonda za povratak BiH, uz prisustvo OHR-a; OSCE-a, UNHCR-a kao svjedoka propisano je da će elektroprivrede/elektrodistribucije participirati tako da, između ostalog, izvrše priključenje objekta u skladu sa Sporazumom o ponovnom priključenju stambenih objekata povratnika na elektrodistributivnu mrežu u BiH broj:02-17829/05 koji je sačinjen 13.12.2005. godine, pod pokroviteljstvom OHR-a, OSCE-a i UNHCR-a. Članom 3 stav (2) navedenog Sporazuma propisano je da će u slučaju individualnih povratka u stambene objekte gdje nedostaju samo brojila, elektropreduzeća osigurati monofazno, jednotarifno brojilo. Takođe, prema Uputstvu o primjeni akata JP Elektroprivrede BiH d.d.- Sarajevo donesenih na osnovu Opštih uslova za isporuku električne energije, član 5. stav (1) prijeratni krajnji kupci u kategoriji potrošnje “domaćinstvo”, nosioci prava priključka, na koje se odnosi Memorandum o razumjevanju i saradnji na elektrifikaciji lokacija/objekata realizovanog

povratka broj: 01-50-2141-5/08 od 03.06.2008. godine, a koji do 30.06.2009. godine nisu priključeni na distributivnu mrežu će biti priključeni po predmetnom Memorandumu. Ovi krajnji kupci ostvaruju pravo na niskonaponski monofazni priključak sa priključnom snagom od 6,7 kW. Dalje članom 5. stav (3) navedenog Uputstva o primjeni akata JP Elektroprivreda BiH d.d.- Sarajevo propisano je da u slučaju da prijeratni krajnji kupac iz člana 5. stav (1) podnese zahtjev za povećanje priključne snage, plaća razliku priključne snage pomnoženu sa propisanom jediničnom cijenom za priključnu snagu. Na osnovu svega navedenog Podružnica Elektrodistribucija Sarajevo je postupila pravilno i u skladu sa važećim propisima kada je postavila monofazno brojilo.

Nesporno je da podnosilac žalbe u Zahtjevu za izmjenu elektroenergetske saglasnosti za krajnjeg kupca od 22.09.2009. godine, zahtjeva povećanje priključne snage montiranjem trofaznog brojila priključne snage od 20 kW .

U skladu sa navedenim, FERK je zaključio da je JP Elektroprivreda BiH d.d.- Sarajevo, Podružnica „Elektrodistribucija“ Sarajevo u Elektroenergetskoj saglasnosti broj: 202-5336/09 od 03.11.2009. godine, jednokratnu naknadu za priključenje/povećanje priključne snage, podnosiocu žalbe, odredila pravilno i osnovano na važećim propisima, a to su Opšti uslovi za isporuku električne energije („Službene novine Federacije BiH“ broj 35/08, 81/08, 32/10 i 37/10), Pravilnik o priključcima JP Elektroprivrede BiH d.d.-Sarajevo broj: NO-21-9330-4./09 od 23.04.2009. godine, Pravilnik o mjernom mjestu krajnjeg kupca broj NO-18-3640-7./09 od 26.02.2009. godine, Odluka o utvrđivanju jediničnih iznosa naknada za priključenje krajnjih kupaca/proizvođača na distributivnu mrežu (cjenovnik) broj NO-23-12430.8.1./09 od 28.05.2009. godine, te Cjenovnik usluga broj NO-23-12430.8.2./09 od 28.05.2009. godine.

S obzirom da je FERK kao drugostepeni organ utvrdio da je Elektroenergetska saglasnost broj: 202-5336/09 od 03.11.2009. godine pravilna i na važećim propisima zasnovana, a slijedom toga žalba/prigovor neosnovana, FERK je odlučio odbiti žalbu/prigovor Šerifa Busuladžića iz Ilidže uloženu protiv Elektroenergetske saglasnosti broj: 202-5336/09 od 03.11.2009. godine.

#### **POUKA O PRAVNOM LIJEKU:**

Protiv ovog rješenja žalilac može tužbom pokrenuti upravni spor kod Kantonalnog/Županijskog suda u Sarajevu u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod nadležnog suda ili bilo kojeg drugog suda.

**PREDSJEDNIK FERK-a**  
**Zdenko Šimunović s.r.**